

XORNADA PRESENTACIÓN DO OBSERVATORIO GALEGO DE SAÚDE PÚBLICA



ESCOLA GALEGA
DE SAÚDE
PÚBLICA

XORNADA DE PRESENTACIÓN DO OBSERVATORIO GALEGO DE SAÚDE PÚBLICA

Data de celebración: 14 de Febreiro de 2024

Lugar: Sala de eventos do Edificio Fontán, na Cidade da Cultura, en Santiago de Compostela.

Horas: 11:00 -12:30 horas

Persoas destinatarias: Profesionais no ámbito da Saúde Pública, investigadores, xestores das diferentes Administracións Públicas e privadas así como á cidadanía en xeral.

O Observatorio de Saúde pública de Galicia é unha unidade de análise e información sobre a situación da saúde pública de Galicia, dependente da Dirección Xeral de Saúde Pública (DXSP).

Esta ferramenta permite xerar, analizar, reunir, organizar e comunicar información relevante e de calidade no ámbito da saúde pública de Galicia, co obxectivo de proporcionar información baseada na evidencia científica, e poñela á disposición de profesionais da saúde, do persoal investigador, así como da sociedade en xeral.

Para conseguilo monitoriza e avalía o estado de saúde da poboación, identifica tendencias e proporciona datos clave para a toma de decisións en políticas e programas de saúde.

A misión do Observatorio de Saúde Pública de Galicia é a de:

- Xerar un espazo de coñecemento en saúde pública que dispoña de información de calidade, a través da elaboración dunha serie de indicadores e informes periódicos
- Garantir que esta información de calidade chegue da forma máis comprensible ao maior número de axentes de saúde posibles e á cidadanía, destacando a importancia dunha abordaxe dos determinantes sociais da saúde.
- Vincular a información dos indicadores ás diferentes actuacións en saúde que se están desenvolvendo en Galicia.

Deste modo, o Observatorio pretende ser o punto de referencia na obtención e visualización de datos de saúde pública que axuden na toma de decisións que incidan na saúde comunitaria, que apoién a investigación e fomenten a transparencia. Os seus principais valores son: Transparencia, innovación, comunicación aberta e efectiva coa comunidade, equidade, manexo responsable da información de saúde, calidade na xeración de datos, traballo orientado a resultados para a comunidade, mellora continua da calidade, colaboración intersectorial, uso responsable dos recursos e compromiso coa mellora continua da saúde pública

Estes valores reflicten o compromiso do Observatorio de saúde Pública de Galicia co benestar e a equidade en saúde para toda a poboación.

Video presentación do Observatorio Galego de Saúde Pública 



Video SPOT - O Observatorio Galego Saúde Publica 

